

El Veneto coi cai

El Veneto xe sta sempre considerà
un territorio dove a jente ga sempre lavorà.
Spacarse a schina, coi cai soe man
e coi duroni soi piè,
xe sempre sta na nostra situasion.
Ma tuto ben fato,
par el ben dea mojer, dei fioi e dei nevodi.
L'importante xe dar l'esempio
e i nostri veci lo ga dato.
Stame visin par imparar "diseva me pare":
Se fa cussì e se fa coeà..... scoltame mi.
Co mi no ghe son pì
te gavarà imparà e te servirà.
I Bo i tira el caro e no i dise gnente
e gaine fa el vovo e dopo e canta.
Ognuno ga fato el so dover!
Firmà....no ghe xe alcun contrato.
Na sbrancada de forajo e una de gran
e tutto funsiona |
Anca el musso va sempre vanti,
el se adata ad aver anca e reciere.
cussì mai el pol essar stravià.
Tira drito, e va sempre vanti,
no lagnarte che in cucina
pronto e fumante el to piato xe sempre là.